

Missingiut

Meeqqat pilersorneqarnerat pillugu inatsisip Kalaallit Nunaannut atuutilersinneqarnissaanik peqqussut

UAGUT MARGRETHE AAPPAAT, Guutip Saammaanneranit Danmarkip Dronningia, nalunaarpugut:

Meeqqat inatsisitigut inissisimaffiap pillugu inatsimmi nr. 200 18. maj 1960-imeersumi § 23¹ malitsigisaanik, tak. § 7, nr. 4, katissimasutut apparilersarneq atorunnaarsitsisarnerlu pillugu inatsimmi aamma inatsisini assigiinngitsuni allani (Ilaqutariinnut inatsisini maleruagassanik pisariillisaaneq il.il.) inatsimmi nr. 446 9. juni 2004-meersumi inatsisit allangortinneqarnerat, Katissimasutut apparinnermut inatsisimmi il.il. (Averusernermut avinnermullu piunasaqaatit il.il.) inatsimmi nr. 209 5. april 1989-imeersumi § 9² malitsigisaanik inatsisip allangortinneqarnera, Eqqartuussisarnermut inatsimmi inatsisinilu assigiinngitsuni allani (Angajoqqaatut oqartussaassuseqarneq pillugu inatsisip malitsigisaanik allanguutit) inatsimmi nr. 389 14. juni 1995-imeersumi § 24, imm. 3,³ malitsigisaanik inatsisip allangortinneqarnera, Meeqqat pillugit inatsimmi § 38⁴, tak. inatsit nr. 460 7. juni 2001-imeersuq, Katissimasutut apparilersarneq atorunnaarsitsisarnerlu pillugu inatsimmi aamma inatsisini assigiinngitsuni allani (Ilaqutariinnut inatsisini maleruagassanik pisariillisaaneq il.il.) inatsimmi nr. 446 9. juni 2004-meersumi § 12, imm. 2,⁵ malitsigisaanik inatsisit allangortinneqarnerat, Meeqqat pilersorneqarnerat pillugu inatsimmi, katissimasutut apparinnermut inatsisitigut sunniutai pillugit inatsimmi, katissimasutut apparilersarneq atorunnaarsitsisarnerlu pillugu inatsimmi aamma angajoqqaatut oqartussaas pillugu inatsimmi (Aningaasaqarnikkut paasissutissanut, naammagittaalliornissamut piffissaliussanut il.il. terminalimut isersinnaaneq) inatsimmi nr. 349 5. maj 2009-meersumi § 6, imm. 2,⁶ malitsigisaanik inatsisit allangortinneqarnerat, Nunap immikkoortuini naalagaaffiup ingerlatsinera pillugu inatsimmi, meeqqat pilersorneqarnerat pillugu inatsimmi, katissimasutut apparilersarneq atorunnaarsitsisarnerlu pillugu inatsimmi aamma naalagaaffimmi ingerlatsiviit aqqissuunneqarnerannik allangortitsinerup malitsigisaanik inatsisini assigiinngitsuni allani (Nunap immikkoortuini naalagaaffiup ingerlatsiviit aqqissuunneqarnerannik allangortitsineq, maleruagassanik pisariillisaaneq aamma ilaqutariinnut inatsisini aningaasartuutunik matussusiisumik nammineq akiliuteqarneq) inatsimmi nr. 647 12. juni 2013-imeersumi § 27, imm. 4,⁷ malitsigisaanik inatsisit allangortinneqarnerat, Meeqqat pillugu inatsimmi, meeravissiartaartarneq pillugu inatsimmi, eqqartuussisarnermik inatsimmi aamma inatsisini assigiinngitsuni allani (Anaanaqataaneq il.il.) inatsimmi nr. 652 12. juni 2013-imeersumi § 10, imm. 2,⁸ malitsigisaanik inatsisit allangortinneqarnerat, Ikkussivigineqarnikkut naartulersinneqarneq pillugu inatsisimmi, timip ipiutaasartai pillugit inatsimmi, meeqqat pillugit inatsimmi, meeqqat pilersorneqarnissaannik inatsisimmi aamma eqqartuussisarnermut inatsisimmi (Kinguaassiorsinnaanermut ikiorneqarneq oqariartaatsini atorneqartutut, mannissanik toqqortarinnittarnerup sivilussusia pillugu immikkut akuerineqarnissamut periarfissaq, passunneqarnissamut akuerineqarneq kiisalu pisunik kissaatigineqanngitsunik aamma kingunerluutunik sualuttunik ilalisaatitigut nappaatit ilusilinnik il.il. nalunaarutiginnittarnermut akisussaasut amerlineqarnerat) inatsimmi nr. 1313 27. november 2013-imeersumi § 8, imm. 3,⁹ malitsigisaanik inatsisit allangortinneqarnerat, Pisortani oqartussanut qinnuteqaatit, nalunaarutiginninnerit, nalunaarutit, qinnutiginninnerit aamma nalunaarutit pillugit inatsisini aalajangersakkanik assigiinngitsunik (sanaartornissamut akuersissutunik qinnuteqarneq, angajoqqaatut oqartussaassutsumik qinnuteqarneq, meeqqap najugaa, peqatiginninneq il.il., averusernissamut avinnissamillu qinnutiginninnerit, meeqqamut katissimasatullu apparisamut akilersuutunik qinnuteqaatit, ineqartup akileeqaataassutissaanut taarsigassarsinissamik qinnuteqaatit, biilit unittarfianni uninngatitsinissamut akuersissummik qinnuteqarneq aamma Qitiusumik Inuit Nalunaarsorsimaffiat il.il. pillugu inatsit malillugu atsiorlugit uppersaatinik qinnutiginninneq eqqarsaatigalugit innuttaasunut digitalimik pinngitsoorani imminut sullittussaannermut ikaarsaariarneq) allangortitsineq pillugu inatsimmi nr. 552 2. juni 2014-imeersumi § 17, imm. 3,¹⁰ malitsigisaanik inatsisit allangortinneqarnerat, Meeqqat

pilersorneqarnerat pillugu inatsimmi (Meeqqanut akilersuutini malerugassanik pisariillisaanerit sukumiinerulersitsinerillu) inatsimmi nr. 575 10. juni 2014-imeersumi § 3¹¹ malitsigissanik inatsisip allanngortinneqarnera, Ilaqutariinnut inatsisinut tunngasuni naammagittaalliuuteqarsinnaaneq aamma piginnaasat il.il. pillugit aalajangersakkanik assigiinngitsunik allanngineq (Ankestyrelsen ilaqutariinnut inatsisinut tunngasuni naammagittaalliuuteqartarfittut il.il.) pillugu inatsimmi nr. 1741 22. december 2015-imeersumi, § 14, imm. 3,¹² malitsigisaanik inatsisit allanngortinneqarnerat, Angajoqqaat akisussaaneq pillugu inatsisimmi, katissimasutut aappariilersarneq aamma atorunnaarsitsisarneq pillugu inatsisimmi inatsisinilu assigiinngitsuni allani (Familierehuset pillugu inatsisip allanngortinneqarnerata aamma angajoqqaat akisussaaneq pillugu inatsit malillugu suliani meeqqat illersorneqarnissaannik isiginninnerup annertusineqarnerata malitsigisaannik allanngortitsinerit) aamma inatsimmi nr. 1711 27. december 2018-imeersumi § 44, imm. 4,¹³ malitsigisaanik inatsisit allanngortinneqarnerat. Inatsisit allanngortinneqarnera malitsigisaannik aalajangiunneqarpoq, meeqqat pilersorneqarnerat pillugu inatsit Kalaallit Nunaannut atuutissasoq tulluuttuni ima oqaasertaqarluni:

Kapitali 1

(Kalaallit Nunaannut atuutilersinneqassanngilaq)

Kapitali 2

Meeqqap pilersorneqarnera

§ 13. Angajoqqaat tamarmik immikkut meeqqap pilersornissaanut pisussaaffeqarput. Angajoqqaat inuuniarnermi atugarisaat meeqqamullu ajunnginnerpaasusaaq eqqarsaatigalut meeraq pilersorneqassaaq, perorsarneqassalluni ilinniartinneqassallunilu.

Imm. 2. Angajoqqaat arlaata meeqqamut pilersuisussaataaneq naammassinngippagu, Naalagaaffiup Sinniisuata angajoqqaat pineqartoq peqqusinnaavaa meeqqap pilersorneqarneranut akilersuutunik akiliuteqaqqullugu.

§ 14. Akilersuutit aalajangersarneqassapput meeqqamut ajunnginnerpaasusaaq eqqarsaatigalugu taakkualu nalinginnaasumik akilersuutit annertussuseqassallutik, tak. tamanna pillugu Kalaallit Nunaanni inatsisit, taamaattoq tak. 2-4. pkt. Angajoqqaami, § 13, imm. 2 malillugu, meeqqamut akilersuutunik akilersuisussami isertitaqarnikkut pissutsit eqqumaffigalugit akilersuutit nalinginnaasumik akilersuutinit qaffasinninngorlugit aalajangersarneqarsinnaapput. Meeraq nunami inuuniarnermut aningaasartuutit Kalaallit Nunaanni inuuniarnermut aningaasartuutinit malunnaateqarluartumik appasinneruffigisaanni najugaqarpat, akilersuutit pisarnermit allaanerusumik akilersuutinit nalinginnaasunit appasinninngorlugit aalajangersarneqarsinnaapput. Meeraq kinguaassiuutitigut kiffaanngissuseqarnermut pinerlunnikkut eqqartuussummit aalajangersarneqarsimasumit kinguaassiarineqarsimappat, ataataasup akikersuutai missingiinikkut annertussusilerneqarsinnaapput meeqqap pilersorneqarnerani aningaasartuutinit tamanik matussusiisussanngorlugit.

Imm. 2. Akilersuisussaataaneq meeqqap 18-inik ukioqalernerani atorunnaassaaq. Taamatuttaaq meeraq katippat akilersuisussaataaneq atorunnaassaaq, Naalagaaffiup Sinnissua allatut aalajangiussaqanngippat.

Imm. 3. Taamaattorli atuartitaanermut imaluunniit ilinniartitaanermut akilersuutit meeqqap 24-nik ukioqalernissaanut peqqussutigineqarsinnaapput. Akilersuutit imm. 1 malillugu meeqqallu isertitaqarnikkut atugarisai eqqumaffigalugit aalajangersarneqassapput.

Imm. 4. Akilersuutit qaammatikkaartumik siumoortumik akilerneqartassapput. Meeqqap meeravissianngortinneqarnera imaluunniit toqunera piffissamut akilersuuteqarfiusumut pineqartumut akilersuutit ilaannik akiliisussaanninnermik malitseqassanngilaq.

§ 15. Meeqqap apersortinnerani imaluunniit meeraq apersortissanngippat meeqqap apersortittussatut ukioqalernerani, meeqqap napparsimalernerani ilisaanerani imaluunniit pisumi immikkut ittumi allami aningaasartuutinit atatillugu immikkut akilersuutinit akiliinissaaq peqqussutigineqarsinnaavoq.

Imm. 2. Meeqqap apersortinnerani aningaasartuutinit atatillugu imm. 1 malillugu akilersuutit aalajangersarneqarnissaat pillugu qinnuteqaat meeqqap apersortinnissaa siusinnerpaamik qaammatinik pingasunik sioqqullugu kingusinnerpaamillu ulloq ataaseq sioqqullugu Naalagaaffiup Sinniisuanut tunniunneqarsinnaavoq. Meeqqap apersortittussatut ukioqalernerani aningaasartuutinit atatillugu imm. 1

malillugu akilersuutit aalajangersarneqarnissaat pillugu qinnuteqaat ullormit meeqqap 13-inik ukioqalerfianit ullormut meeqqap 15-inik ukioqalerfianut tunniunneqarsinnaavoq.

Imm. 3. Qinnuteqaat imm. 2-mi malillugu piffissani allani tunniunneqarsimappat Naalagaaffiup Sinniisuata qinnuteqaat imm. 2-mi taaneqartutut itigartitsissutigisinnaavaa.

Imm. 4. Meeqqap napparsimalernerani aamma toqunerani imaluunniit pisumi immikkut ittumi allami aningaasartuutitut atatillugu imm. 1 malillugu akilersuutit taamaallaat aalajangersarneqarsinnaapput, aningaasartuutit isumagineqarnerannit qaammatit pingasut qaangiutsinnagit qinnuteqaat Naalagaaffiup Sinniisuanut saqqummiunneqarpat, piffissaliussamik qaangiinnermut pissutaasumik naammaginnartumik atuuttoqarnera uppersarneqarsinnaangippat.

§ 16. Naalagaaffiup Sinniisuata qinnuteqaat malillugu akilersuutit sukulluunniit allangortitsisinnaavoq.

§ 17. Meeqqamut akilersuutit pillugit isumaqatigiissutit Naalagaaffiup Sinniisuata allatut aalajangiisnnaaneranut aporfussanngillat, isumaqatigiissut malunnartumik akikitsuunngitsaq missingerneqarpat, imaluunniit pissutsit annertuumik allannguuteqarsimappata, imaluunniit isumaqatigiissut meeqqamut ajunnginnerpaasussamut naapertuutinnngippat.

§ 18. Kapitali manna naapertorlugu akilersuutit meeqqamut tutsinneqartussaapput.

Imm. 2. Akilersuutit aalajangersarneqarnissaannik piunasaqarnissamut akilersuutillu tunniunneqarnissaannik piunasaqarnissamut pisinnaatitaaffeqartoq tassaavoq meeqqap pilersorneqarneranut aningaasartuutit isumaginnittoq, pineqartoq meeqqamut oqartussaassuseqarpat imaluunniit angajoqqaatut oqartussaassuseqarnerup atorunnaarnerani meeqqamut oqartussaassuseqarsimappat imaluunniit meeqqamik inatsisit naapertorlugit paaqutarinnittuuppat. Pisortat meeqqap pilersorneqarneranut aningaasartuutit isumaginninnerat aallaavigalugu pisinnaatitaaffik pisortani oqartussanut imaluunniit paaqqinniffimmut pineqartumut tunniunneqassaaq.

Kapitali 3

Meeqqap inunngornerani il.il. aningaasartuutit akileeqataassutit

§ 19. Naalagaaffiup Sinniisuata ataataasoq imaluunniit anaanaqataasoq peqqusinnaavai meeqqap inunngornerani atserneqarneranilu, tassunga ilanngullugu kuisinnerani, anaanaasullu meeqqap inunngornissaa qaammatinik marlunnik sioqqullugu meeqqallu inunngornerata kingorna qaammammi ataatsimi pilersorneqarneranut aningaasartuutit akilersuutit akiliuteqaqqullugit. Pissutsini immikkut ittuni, pingaartumik naartunerup imaluunniit erninerup kinguneranik anaanaasup napparsimanerani, akilersuutit meeqqap inunngornissaa qaammatit sisamat tikillugit sioqqullugu meeqqallu inunngorneranit qaammatit qulingiluat tikillugit akilersuutit akiliuteqartarnissaq peqqussutigineqarsinnaavoq.

Imm. 2. Taamatuttaaq Naalagaaffiup Sinniisuata arnamik naartutitsilersimasooq imaluunniit naartutitsilersimasinnaasoq, imaluunniit arnap kinguaassiorsinnaanermut ikiorneqarluni passunneqarnissaanut imaluunniit assingusumik passunneqarnissaanut akuersisimasooq, meeqqap taamatut passunneqarikkut pinngorsimanera ilimagineqarpat, tak. meeqqat pillugit inatsimmi kunngip peqqussutaatigut Kalaallit Nunaannut atuutilersinneqartumi §§ 27 imaluunniit 27 a, peqqusinnaavai naartuersinnikkut aningaasartuutit immikkut ittut pilersinneqarsimasunut akilersuutit akiliuteqaqqullugit.

Imm. 3. Meeraq inunngorsimappat, paragraffimi matumani imm. 1 malillugu akilersuutit akilerneqassapput akilersuutit aalajangersarneqarneranni ingerlaannaq tamatumali saniatigut Naalagaaffiup Sinniisuata qanimut piffissaliussatut aalajangiussai malillugit. Imm. 2 malillugu akilersuutit ingerlaannaq akilerneqassapput.

Imm. 4. Kapitali manna naapertorlugu akilersuutit anaanaasumut imaluunniit pisortani oqartussanut imaluunniit paaqqinniffimmut, aningaasartuutit pineqartunik isumaginnissimasumut, tunniunneqassapput.

Kapitali 4

Aalajangersakkat assigiinngitsut

§ 19 a. Peqqussut manna malillugu akilersuutit aalajangersarneqarnissaannik imaluunniit allangortinneqarnissaannik qinnuteqaat Naalagaaffiup Sinniisuanut tunniunneqassaaq digitalimik

aaqqiissutip, Naalagaaffiup Sinniisuanit atugassiissutigineqartup (digitalimik imminut sullinneq), atorneqarneratigut. Qinnuteqaatit digitalimik imminut sullinnikkut tunniunneqanngitsut Naalagaaffiup Sinniisuanit itigartinneqassapput, taamaattoq tak. imm. 2 aamma 3. Tamanna qinnutiginninnernut pisortani oqartussanit tunniunneqartunut atuutissanngilaq.

Imm. 2. Naalagaaffiup Sinniisua naliliippat pissutsinik immikkut ittunik atuuttoqartoq, innuttaasup digitalimik imminut sullinnermik atuisinnaanissaatut ilimagineqarfingngisaanik, Naalagaaffiup Sinniisuaata neqeroorutigissavaa, qinnuteqaat imm. 1 malillugu digitalimik imminut sullinnermit allaanerusumik tunniunneqarsinnaasoq. Naalagaaffiup sinniisuaata aalajangissavaa, qinnuteqaat 1. pkt.-imi pineqartoq qanoq iluseqarluni tunniunneqassanersoq, tassunga ilanngullugu oqaasiinnakkut imaluunniit allakkatigut tunniunneqassanersoq.

Imm. 3. Naalagaaffiup Sinniisua immikkut illuinnartumik imm. 2-mi taaneqartut saniatigut qinnuteqaammik digitalimik imminut sullinnikkut tunniunneqarsimanngitsumik itigartitsinngitsoorsinnaavoq, aningaasaqarneq eqqarsaatigalugu tamakkiisumik nalilersuineq aallaavigalugu qinnuteqaatip digitaliuunngitsumik tigunissaa Naalagaaffiup Sinniisuanut erseqqissumik iluaqutissartaqarpat.

Imm. 4. Digitalimik qinnuteqaat apuussimasutut isigineqassaaq, Naalagaaffiup Sinniisuanit pissarsiarineqarsinnaalerpat.

§ 20. Naalagaaffiup Sinniisua aamma isumaginninnermut utoqqarnullu ministeri peqqussut manna malillugu akilersuutinik aalajangersaaneq allanngortitsinerlu pillugit sulianik suliarinninnermut atugassanik paasissutissanik pineqartup atugarisaanut tunngasunik suliamut attuumassuteqartumut qinnuiginnissinnaapput. Suliamut attuumassuteqartoq paasissutissanik, 1. pkt.-imi taaneqartunik, Naalagaaffiup Sinniisuanut imaluunniit isumaginninnermut utoqqarnullu ministerimut tunniussinngippat, tunngavissat pioreersut aallaavigalugit aalajangersaasoqarsinnaavoq.

§ 21. Naalagaaffiup Sinniisuaata peqqussut manna malillugu aalajangiineri isumaginninnermut utoqqarnullu ministerimut naammagittaalliuutigineqarsinnaapput.

Imm. 2. Naammagittaalliut tunniunneqassaaq naammagittaalliortup aalajangiineq pillugu nalunaarummik tigusaqarneranit sapaatip-akunneri sisamat qaangiutsinnagit. Isumaginninnermut utoqqarnullu ministeri pisuni immikkut ittuni naammagittaalliummik suliaqarsinnaavoq, naak naammagittaalliut pkt. 1-imi piffissaliussap qaangiunnerata kingorna tunniunneqarsimagaluartoq.

Imm. 3. Isumaginninnermut utoqqarnullu ministeri naammagittaalliutit suliarineqarnerinut aamma meeqqanut akilersuutit pillugit suliat suliarineqarnerinut, tassunga ilanngullugit qinnuteqaatinut piffissaliussanik aamma aallartinnermut allanngortitsinermullu piffissat pillugit, maleruagassanik aalajangersaasinnaavoq.

§ 22. Peqqussut atuutilissaaq ulloq [dato].

Imm. 2. Peqqussut akilersuutit aalajangersarneqarnissaannut imaluunniit allanngortinneqarnissaannut qinnuteqaatinut, peqqussutip atuutilernera sioqqullugu tunniunneqarsimasunut aamma meeqqanut akilersuutit pillugit sulianut, angutip meeqqat inatsisitigut inissisimaffiat pillugu Kalaallit Nunaannut inatsimmi nr. 197 16. juni 1962-imeersumi § 6, imm. 2-mi aalajangersagaasimasooq malillugu akilersuisussaataasutut isigineqaarfigisaanut, atuutissanngilaq. 1. aamma 2. pkt. malillugit qinnuteqaatinut maleruagassat maannamut atuuttut atuutissapput.

§ 22 a. Danmarkimi naalakkersuisut meeqqanut akilersuutit pillugit Danmarkimi nunanilu allani inatsisitigut maleruagassat akornanni pissutsit pillugit naalagaaffinnut allanut isumaqatigiissuteqarsinnaapput. Isumaqatigiissut Lovtidendemi nalunaarutigineqareerpat Kalaallit Nunaanni atuutilissaaq.

Imm. 2. Isumaginninnermut utoqqarnullu ministeri taamatuttaa meeqqanut akilersuutit pillugit Danmarkimi nunanilu avannarlerni allani maleruagassat akornanni pissutsit pillugit maleruagassanik aalajangersaasinnaavoq.

§ 23. (Kalaallit Nunaannut atuutilersinneqassanngilaq)

§ 24. Peqqussut qinnuteqaatinut peqqussutip atuutilinnginnerani tunniunneqarsimasunut atuutissanngilaq. Qinnuteqaatinut taama ittunut maleruagassat maannamut atuuttut atuutissapput.

§ 25. Meeqqat pilersorneqarnerat pillugu inatsisip malitsigisaanik peqqussutit forskriftit pilersinneqartut Kalaallit Nunaannut atuutissanngillat.

¹ Aalajangersagaq ima oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisiannili kunngip peqqussutaatigut nunap immikkoortuinut taakkununga tamakkiisumik ilaannakuusumilluunniit atuutilersinneqarsinnaalluni, immikkoortut Savalimmiuni Kalaallit Nunaannilu pissutsinit immikkut ittunit piumasarineqartut tunngavigalugit.«

² Aalajangersagaq ima oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisiannili kunngip peqqussutaatigut nunap immikkoortuinut taakkununga tamakkiisumik ilaannakuusumilluunniit atuutilersinneqarsinnaalluni, immikkoortut Savalimmiuni Kalaallit Nunaannilu pissutsinit immikkut ittunit piumasarineqartut tunngavigalugit.«

³ Aalajangersagaq ima oqaasertaqarpoq: »§§ 4-13 aamma 17-20 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, immikkoortut Kalaallit Nunaanni pissutsinit piumasarineqartut tunngavigalugit.«

⁴ Aalajangersagaq ima oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisiannili kunngip peqqussutaatigut nunap immikkoortuinut taakkununga tamakkiisumik ilaannakuusumilluunniit atuutilersinneqarsinnaalluni, immikkoortut Savalimmiuni Kalaallit Nunaannilu pissutsinit immikkut ittunit piumasarineqartut tunngavigalugit.«

⁵ Aalajangersagaq ima oqaasertaqarpoq: »§§ 1-3 aamma 5-8 kunngip peqqussutaatigut Savalimmiunut aamma Kalaallit Nunaannut tamakkiisumik ilaannakuusumilluunniit atuutilersinneqarsinnaapput, immikkoortut Savalimmiuni Kalaallit Nunaannilu pissutsinit piumasarineqartut tunngavigalugit.«

⁶ Aalajangersagaq ima oqaasertaqarpoq: »Inatsit kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaavoq, immikkoortut Kalaallit Nunaanni pissutsinit piumasarineqartut tunngavigalugit.«

⁷ Aalajangersagaq ima oqaasertaqarpoq: »Inatsimmi §§ 18-20 kunngip peqqussutaatigut Savalimmiunut aamma Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Savalimmiuni Kalaallit Nunaannilu pissutsinit piumasarineqartut tunngavigalugit.«

⁸ Aalajangersagaq ima oqaasertaqarpoq: »Inatsimmi §§ 1-4 aamma 7 kunngip peqqussutaatigut Savalimmiunut aamma Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Savalimmiuni Kalaallit Nunaannilu pissutsinit piumasarineqartut tunngavigalugit.«

⁹ Aalajangersagaq ima oqaasertaqarpoq: »§§ 3 aamma 4 aamma § 6, nr. 1 aamma 3, kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

¹⁰ Aalajangersagaq ima oqaasertaqarpoq: »§§ 5-9 aamma 15 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

¹¹ Aalajangersagaq ima oqaasertaqarpoq: »Inatsit Savalimmiunut Kalaallit Nunaannullu atuutinngilaq, kisiannili kunngip peqqussutaatigut nunap immikkoortuinut taakkununga tamakkiisumik ilaannakuusumilluunniit atuutilersinneqarsinnaalluni, allanngutit Savalimmiuni Kalaallit Nunaannilu pissutsinit immikkut ittunit piumasarineqartut tunngavigalugit.«

¹² Aalajangersagaq ima oqaasertaqarpoq: »§§ 1-4, 7, 8 aamma 11 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«

¹³ Aalajangersagaq ima oqaasertaqarpoq: »§§ 1-4, 6-12, 17-20, 27 aamma 39 kunngip peqqussutaatigut Kalaallit Nunaannut tamakkiisumik ilaannakuusumilluunniit atuutilersinneqarsinnaapput, allannguutit Kalaallit Nunaanni pissutsinit piumasarineqartut tunngavigalugit.«